

Pecyn Swydd - recriwtio hydref 2022

Rhaglen Mentora Cyfoed ar gyfer Camau Cynaliadwy Cymru*

* Camau Cynaliadwy Cymru yw enw Cronfa Gweithredu Gymunedol y Loteri Genedlaethol ar gyfer cymunedau sydd yn taclo newid hinsawdd. Dyma enw dros dro DTA Cymru ar gyfer y Rhaglen Mentora Cyfoed.

Cyflwyniad

Mae Cymdeithas Ymddiriedolaethau Datblygu Cymru ([DTA Cymru](#)), gyda chefnogaeth Cronfa Gymunedol y Loteri Genedlaethol (CGLG) ac yn defnyddio cronfeydd Cyfrifon Segur Llywodraeth Cymru (LIC), yn cychwyn ar raglen fentora saith mlynedd sydd yn canolbwyntio ar weithredu hinsawdd a chynaliadwyedd, gyda'r bwriad o ddatgloi galluoedd cyfunol cymunedau ledled Cymru.

Mae hyn yn adeiladu ar brofiad [Adfywio Cymru](#) - o gadw cronfa o fentoriaid cyfoed hyderus a galluog (aelodau o'r gymuned sydd eisoes wedi gweithredu ac yn awyddus i rannu) yn ganolog iddo - gan hefyd ymgymryd ar ddull newydd o allgymorth ac ymgysylltu i gynorthwyo cymunedau Cymru i ymateb ar gyflymder ac ar raddfa sydd yn gymesur â'r heriau a ddaw yn sgil newid hinsawdd. Dyma'r degawd i weithredu.

Fel sydd yn arferol i ni, rydym yn chwilio am gymunedau annibynnol a mentrus, ac mae'r rhaglen yma yn ymwneud â helpu cymaint â phosib i gymryd y camau cyntaf a dechrau gweithredu'n ymarferol. Wrth dyfu cymuned o ymarferwyr ymarferol, gobeithiwn hefyd y daw symudiad am newid i'r amlwg yng Nghymru. Bydd y rhai sydd eisiau tyfu a gwneud mwy yn gallu derbyn cefnogaeth i wneud hynny.

Y tîm rydym yn chwilio amdano

Os hoffech chi fod yn rhan o helpu creu Cymru gynaliadwy - o lawr gwlad i fyny - yna mae gan DTA Cymru amrywiaeth o swyddi parhaol:

- **(Cyd) Bennaeth Allgymorth ac Ymgysylltu (Hwyluswyr)** - 3 diwrnod yr wythnos ar £34,000 pro rata i arwain y rhaglen yma ac i adeiladu ac arwain y gwaith allgymorth ledled Cymru yn benodol. *Nodir - bydd hyn yn rhannu swydd gyda'r (Cyd) Bennaeth Allgymorth ac Ymgysylltu (Mentoriaid Cyfoed) presennol, Matt Swan.*
- **Hwyluswyr** - rydym yn chwilio am wyth unigolyn, pob un i weithio'n hyblyg dau ddiwrnod y mis fel tîm sydd yn cwmpasu Cymru ac yn ymgysylltu gyda'ch cymunedau. Yn agored i rai hunangyflogedig, rhai sydd yn gyswllt â sefydliadau eraill neu gellir ystyried

Cynllun Cyfrifon
Camau Cynaliadwy Cymru

Dormant Accounts
Sustainable Steps Wales

Ddarperir gan

CRONFA GYMUNEDOL
LOTERI GENEDLAETHOL

Delivered by

THE NATIONAL LOTTERY
COMMUNITY FUND

TWE (PAYE) o fewn DTA Cymru. Er gwybodaeth, £250 yw'r raddfa ddyddiol i rai hunangyflogedig.

- **Pennaeth Cyfathrebu** - 3 diwrnod yr wythnos ar £28,000 pro rata. Tra'n gyfrifol am gyfathrebiadau'r rhaglen byddech yn ymuno â'n Uwch Dîm Rheoli ac yn dylanwadu ar strategaeth cyfathrebu ehangach DTA Cymru
- **Gweinyddwr(wyr)** - dwy swydd 3 diwrnod yr wythnos ar £21,000 pro rata. Rhyngoch byddech yn cefnogi'r Rhaglen Mentora Cyfoed a gwaith DTA Cymru ar ddatblygu mentrau cymdeithasol.
- **Mentoriaid Cyfoed** - ymarferwyr ar y rheng flaen sydd yn gallu, ac yn barod i rannu eu profiad gyda chymunedau eraill sydd wrth galon y rhaglen yma. Mae DTA Cymru eisoes yn gweithio gyda chronfa o fentoriaid cyfoed profiadol drwy'r Rhaglen Adfywio Cymru a Busnes Cymdeithasol Cymru. Byddem yn gweithio gyda nhw i'w hymgorffori i'r Rhaglen Mentora Cyfoed ar gyfer Camau Cynaliadwy Cymru hwyrach ymlaen yn 2022. Byddem yn eu cyflogi ar gyfradd dydd pan fydd angen eu sgiliau a'u profiadau. Os ydych chi'n teimlo y gallech chi gynnig rhywbeth ac yn awyddus i rannu eich profiad, yna cysylltwch a mynegwch eich diddordeb mewn ymuno â'r gronfa.

Gwybodaeth am DTA Cymru - <https://dtawales.org.uk/cy/>

Mae Cymdeithas Ymddiriedolaethau Datblygu Cymru (DTA Cymru) yn fudiad aelodaeth annibynnol i ymarferwyr sydd yn hyrwyddo ac yn cefnogi'r rhwydwaith cynyddol o fentrau cymunedol yng Nghymru.

Tîm craidd bach ydym ni sydd â chyrhaeddiad ac effaith fawr wrth i ni weithio ochr yn ochr a thrwy ein haelodau, cronfa fawr gynyddol o fentoriaid cyfoed ac amrywiaeth o bartneriaid profiadol ledled Cymru. Daw hyblygrwydd gyda thîm craidd bach, ac ystwyther i wneud gwir wahaniaeth mewn degawd ble mae cymunedau yn cael eu herio i chwarae rhan sylweddol mewn adeiladu dyfodol cynaliadwy - yn economaidd, yn gymdeithasol ac yn amgylcheddol - o fewn byd o newid hinsawdd.

Mae'r rhaglen Mentora Cyfoed, cefnogir gan Camau Cynaliadwy Cymru, yn gyfle sylweddol i alluogi cannoedd o gymunedau i gymryd rhan a gwneud gwahaniaeth cadarnhaol i'w ardal leol, a pan fydd y rhain yn dod at ei gilydd fel cymuned ymarfer yna byddant yn cynorthwyo Cymru i gyflawni ei huchelgeisiau fel cenedl gynaliadwy.

Mae'r ochr Allgymorth ac Ymgysylltu DTA Cymru yn cael ei redeg ochr yn ochr â'n gwaith Datblygu Menter, sydd yn gweithio i gefnogi sefydlu a thyfu busnesau hyfyw seiliedig ar asedau sydd yn eiddo i'r gymuned. Fel rhan o dîm cyflawni Busnes Cymdeithasol Cymru, mae'n gweithio hefyd ar fwyd cynaliadwy, cefnogaeth newid hinsawdd i fusnesau, caffael a thai, ymysg nifer o weithgareddau eraill.

Gwybodaeth am y rhaglen Mentora Cyfoed o fewn Camau Cynaliadwy Cymru

Mae Cronfa Gymunedol y Loteri Genedlaethol (CGLG) yn defnyddio arian Cyfrifon Segur i ariannu cyfres o fentrau Camau Cynaliadwy Cymru yng Nghymru.

1. Mae DTA Cymru yn cynnal y rhaglen Mentora Cyfoed
2. Yn rhedeg ochr yn ochr â hyn bydd rhaglen Grantiau Mentoreion Camau Cynaliadwy Cymru
3. Grantiau Gweithredu Hinsawdd mwy Camau Cynaliadwy Cymru sydd wedi agor ar gyfer ceisiadau yn ddiweddar
4. Rhaglen pobl ifanc Camau Cynaliadwy Cymru sydd yn cael ei ddatblygu

Bydd DTA Cymru yn lansio'r rhaglen Mentora Cyfoed yn fuan yn 2023 yn canolbwyntio ar weithredu hinsawdd a chynaliadwyedd, gyda'r bwriad o ddatgelu galluoedd cyfunol cymunedau yng Nghymru.

Bydd y gwasanaeth yn cynnig cefnogaeth a chynghor i grwpiau cymunedol, elusennau a mentrau cymdeithasol ar yr amrywiaeth ehangaf bosib o ffyrdd gellir gweithredu ar newid hinsawdd a chynaliadwyedd, gan gwmpasu'r ddau faes penodol ar gyfer gweithredu amgylcheddol a galluoedd mwy cyffredinol er mwyn cael yr effaith mwyaf posib.

Byddem yn blaenoriaethu cynulleidfaoedd o gymunedau ledled Cymru sydd ddim yn ymgysylltu â'r maes newid hinsawdd yn draddodiadol, ond gall effaith newid hinsawdd gael yr effaith fwyaf arnynt.

Bydd y rhaglen saith mlynedd yma, sydd heb dderbyn enw swyddogol ar gyfer y cyhoedd eto, yn adeiladu ar ddegawd o brofiad yn trosglwyddo'r rhaglen Adfywio Cymru ac yn adlewyrchu'r heriau cynyddol enbyd sydd yn ein hwynebu nawr ac yn y degawd sydd i ddod. Mae newid hinsawdd a byw'n gynaliadwy wedi dod yn fater i bawb, nid i'r ychydig sydd yn ymroddedig. Dim ond ychydig o flynyddoedd byr sydd gennym i animeiddio a galluogi symudiad cymunedol o fewn Cymru i weithredu'n uniongyrchol ar yr argyfwng hinsawdd.

Ariannir y rhaglen yma yn gyfan gwbl gan gynllun grant *Camau Cynaliadwy Cymru: Mentora Cronfa Gymunedol y Loteri Genedlaethol*.

(<https://www.tnlcommunityfund.org.uk/welsh/funding/programmes/sustainablestepswales-mentoring>)

Gall grwpiau sydd yn cymryd rhan yn y rhaglen yma wneud cais am grant hyd at £15 mil o'r cynllun hwn.

Cynllun Cyfrifon
Camau Cynaliadwy Cymru

Dormant Accounts
Sustainable Steps Wales

Ddarperir gan
**CRONFA GYMUNEDOL
LOTERI GENEDLAETHOL**

Delivered by
**THE NATIONAL LOTTERY
COMMUNITY FUND**

Swydd Ddisgrifiad – Rheolwr Cyfathrebu

Teitl y swydd **Rheolwr Cyfathrebu**

Rheolir gan: Y Prif Weithredwr

Yn rheoli: Perthnasau gyda phartneriaid a chyflenwyr

Cyfradd tâl: £28,000 y flwyddyn (cyfateb i swydd amser llawn)

Dyddiau'r wythnos 3 diwrnod yr wythnos (0.6 cyfateb i amser llawn)
DS - bydd DTA Cymru yn ystyried cynnig dyddiau ychwanegol ar gyfradd broffesiynol i'r ymgeisydd cywir i helpu arwain ar y cyfathrebu ar draws y sefydliad cyfan. Os yw hyn o ddiddordeb, ymholwch.

Cyfnod cyflogaeth Parhaol

Oriau gwaith 7 awr y dydd. Mae DTA Cymru yn gosod oriau swyddfa graidd rhwng 10yb a 4yp ond gellir cynnig hyblygrwydd wrth drafod gyda rheolwr llinell. Bydd gofyn i weithio gyda'r nos ac ar benwythnosau weithiau er mwyn cyrraedd anghenion y swydd.

Lleoliad y swydd Mae yna swyddfa DTA Cymru yng Nghaerdydd. Cefnogir gweithio o gartref - neu gefnogaeth i weithio o 'ganolfan swyddfa leol i chi' - yng Nghymru.

Disgwyliadau teithio (lleoliad gwaith) Cedwir y disgwyliad i chi fod mewn swyddfa DTA Cymru ac yn rhan o dîm DTA ar gyfnodau rheolaidd a rhesymol

Disgwyliadau teithio (cyflawni'r swydd) Fel rhan o'r swydd yma disgwyllir i chi deithio o amgylch Cymru (a mannau eraill yn y DU ar gyfnodau).

Crynodeb o'r swydd I arwain ar waith cyfathrebu rhaglen mentora Camau Cynaliadwy Cymru er mwyn helpu cyflawni amcanion y rhaglen h.y. ymgysylltu â channoedd o gymunedau a'u galluogi i weithredu. Harneisio swyddogaethau allgymorth ac ymgysylltu'r rhaglen er mwyn dylanwadu'n uniongyrchol ar waith cyfathrebu ehangach DTA Cymru i fod yn fwy cynhwysol.

Defnyddio'r cyfleoedd cyfathrebu (mae hwn yn gyfle cyfathrebu saith mlynedd) i gynyddu ymwybyddiaeth a dealltwriaeth am newid hinsawdd ac i annog 'cymuned o arfer' i ddod at ei gilydd yng Nghymru.

**Rolau /
Cyfrifoldebau** Sefydlu a chadw hunaniaeth weledol glir ar gyfer y rhaglen, gan ganolbwyntio ar hygyrchedd i gynulleidfaoedd amrywiol ac ymarferoldeb dwyieithog, yn ei osod yn ganolog i waith allgymorth ac ymgysylltu DTA Cymru.

Creu cynllun cyfathrebu ar gyfer y rhaglen Mentora Cyfoed mewn ymgynghoriad â chydweithwyr a phartneriaid, ac yna arwain ar ei drosglwyddiad.

Arwain elfennau'r DTA o'r cynllun cyfathrebu yn y meysydd sydd yn ymwneud â'r we, cyfryngau cymdeithasol, digwyddiadau i ysgogi recriwtio i'r rhaglen a, pan yn y rhaglen, i ysgogi cyfathrebiadau ymgysylltu, rhannu a dysgu.

Yn benodol, i sefydlu a rheoli gwefan dwyieithog y rhaglen a'i gysylltiadau i DTA Cymru a gwefannau partner ac i greu presenoldeb cyfryngau cymdeithasol dwyieithog sydd yn briodol ac yn ymgysylltu.

Cynhyrchu allbynnau cyfathrebu o ansawdd uchel gan gynnwys astudiaethau achos, blogiau, erthyglau, fideos a chynnyrch gweledol fel arall sydd yn cyfleu pwrpas ac effaith y rhaglen. Arwain ar drefnu digwyddiadau a chynulliadau o fewn y rhaglen.

Sicrhau bod brand a chyfathrebiadau wedi'u cynllunio i gyrraedd y cymunedau sydd ddim yn cysylltu gyda materion newid hinsawdd yn draddodiadol, ar y cyd â phartneriaid (fel EYST - Tîm Cefnogi Lleiafrifoedd Ethnig ac Ieuencid).

Meithrin a rheoli rhestrau dosbarthu ar gyfer y rhaglen, yn bwydo i mewn i

system CRM DTA Cymru, yn diweddarau ac yna'n rheoli cyflenwyr cyfathrebu'r rhaglen, e.e. dylunio ac argraffu, cymorth cyfryngau cymdeithasol ayb.

I ddatblygu offer a thactegau cyfathrebu sydd yn defnyddio'r rhwydwaith mawr a chynyddol o gymunedau sydd yn cymryd rhan; fel un rhan o alluogi cyflwyniad Cymuned Ymarfer hunangynhaliol.

Datblygu strategaeth tymor canolig am sut bydd y fath Cymuned Ymarfer yn cael ei harneisio fel rhwydwaith cyfathrebu ar lawr gwlad, ar y cyd â'n partner Rhwydwaith Cyd-gynhyrchu Cymru (sydd yn arwain ar fonitro a gwerthuso ond hefyd ar greu Cymuned Ymarfer mewn cymunedau).

Cyflwyno syniadau a chyfleoedd yn ymwneud â datblygu ymddygiad cynaliadwy i mewn i'r rhaglen Mentora Cyfoed a, gyda hyn, i mewn i DTA Cymru.

Bod yn rhan o Uwch Dîm Rheoli DTA Cymru, gan sicrhau bod y rhaglen allgymorth ac ymgysylltu yma yn ganolog - ac yn tynnu ar - agweddau eraill o'n gwaith.

Manyleb y person Bydd yr ymgeisydd llwyddiannus yn meddiannu hanes o gyflawni effaith gyda chyfathrebu effeithiol ac uchelgais i gyflawni'r her o gael unrhyw - a phob (?) - cymuned yng Nghymru i gysylltu gyda'r mater newid hinsawdd. Gallu cyflwyno cyfathrebiadau rheng flaen yn rhwydd, mae'r un mor bwysig i chi fod â'r gallu i feddwl yn strategol am y cyfle sydd o'ch blaen a brwdfrydedd dros ddatgelu deallusrwydd cyfunol cymunedau drwy gyfathrebiadau.

Hanfodol Siarad Cymraeg.

Hanes gellir ei brofi o gyfathrebiadau effeithiol gyda'r cynulleidfaoedd hoffem eu cyrraedd (cymunedau sydd ddim yn cysylltu gyda newid hinsawdd yn barod) neu dystiolaeth o sgiliau trosglwyddadwy gellir cyflawni hyn.

Amrywiaeth eang (nid oes rhaid cael bob un) o brofiadau cyfathrebu yn ymwneud â dylunio ac argraffu, strategaethau cyfryngau cymdeithasol, strategaethau ar lafar gwlad, defnyddio brandio, rheoli digwyddiadau ayb.

Profi'r gallu i gynllunio brîff, recriwtio timau cymorth a rheoli cytundebau cyfathrebu.

Dealltwriaeth - o brofiad yn ddelfrydol - o ddatblygu strategaethau cyfathrebu hirach dymor. Er bod gennym dargedau uniongyrchol sydd angen marchnata ar eu cyfer, mae gennym hefyd hyd at saith mlynedd i adeiladu cymuned o gyfathrebwyr ledled Cymru.

Affinedd cryf gyda grym y gymuned ac ymwybyddiaeth o heriau newid hinsawdd. Tra bod profiad uniongyrchol yn fuddiol, nid yw'n hanfodol, ond mae angen gallu dangos affinedd ac ymwybyddiaeth.

Sgiliau cyfathrebu ysgrifenedig a llafar rhagorol.

Yn drefnus ac yn hunan ysgogol.

Dymunol Diddordeb gweithredol yn namcaniaethau ac arferion cyflawni newid ymddygiad. Yn y maes newid hinsawdd yn ddelfrydol, ond nid yn hanfodol.

Siarad yn gyhoeddus.

DYDDIADAU PWYSIG

Dyddiad cau ceisiadau Dydd Iau 22ain Medi - 4yp

Diwrnod cyfweliad / dewis Dydd Mercher 5ed Hydref (mewn person, lleoliad i'w gadarnhau)

Dyddiad cychwyn disgwyliedig Cyn gynted â phosib

Lansiad swyddogol y rhaglen Dydd Mawrth 3ydd Ionawr 2023

Sut i wneud cais.

Cwblhewch y [ffurflen gais](#) a'i ddychwelyd i info@dtawales.org.uk os gwelwch yn dda, gyda theitl y swydd yn y llinell pwnc.

Cwblhewch y Ffurflen Monitro Cyfleoedd Cyfartal hefyd os gwelwch yn dda:
<https://forms.gle/Ci9TYWotyaP15hRN7>

Cynllun Cyfrifon
Camau Cynaliadwy Cymru

Dormant Accounts
Sustainable Steps Wales

Ddarperir gan
**CRONFA GYMUNEDOL
LOTERI GENEDLAETHOL**

Delivered by
**THE NATIONAL LOTTERY
COMMUNITY FUND**



Mae'r ffurflen Monitro Cyfleoedd Cyfartal yn ddiennw a ni fydd yn cael ei gynnwys fel rhan o'r broses llunio rhestr fer. Dim ond ar gyfer monitro recriwtio a darparu data ystadegol defnyddir y wybodaeth yma.

Development Trusts Association Wales, 17 West Bute Street, Cardiff CF10 5EP

Cymdeithas Ymddiriedolaethau Datblygu Cymru, 17 Stryd Gorllewin Bute, Caerdydd CF10 5EP Tel/Ffôn

029 2019 0260 Email/E-bost info@dtawales.org.uk Website/Gwefan www.dtawales.org.uk

Company registration no./Rhif cofrestru'r cwmni **04966246**

Cynllun Cyfrifon
Camau Cynaliadwy Cymru

Dormant Accounts
Sustainable Steps Wales

Ddarperir gan
**CRONFA GYMUNEDOL
LOTERI GENEDLAETHOL**

Delivered by
**THE NATIONAL LOTTERY
COMMUNITY FUND**